

Fundur stjórnar Skóla- og velferðarþjónustu Árneshvíls haldinn í Laugarási fimmtudaginn 24. ágúst 2023 kl. 14:00.

Mættir eru:

Hulda Kristjánsdóttir, sveitarstjóri Flóahrepps, formaður

Helgi Kjartansson, oddviti Bláskógabyggðar

Sylvía Karen Heimisdóttir, í forföllum sveitarstjóra Skeiða- og Gnúpverjahrepps

Ása Valdís Árnadóttir, oddviti Grímsness- og Grafningshrepps

Aldís Hafsteinsdóttir, sveitarstjóri Hrunamannahrepps

Auk þeirra sátu fundinn Gunnlaug Hartmannsdóttir, deildarstjóri skólaþjónustu og Anný Ingimarsdóttir deildarstjóri velferðarþjónustu.

Fundargerðin var færð í tölvu og hana ritaði Aldís Hafsteinsdóttir.

Formaður Hulda Kristjánsdóttir, setti fund og stjórnaði.

Hér var gengið til dagskrár:

1. Skýrsla deildarstjóra skólaþjónustu

Farið var yfir stöðu biðlista eftir sérfræðiþjónustu skóla. Á biðlistanum eru nú 67 mál og eru elstu tilvísanirnar frá hausti 2022. Tilvísanir skiptast á milli þjónustu talmeinafræðinga, sálfræðinga og kennsluráðgjafa. Þörfin um þjónustu innan hvers skóla fer nokkuð eftir því hversu vel mannaðir skólarnir eru hvað varðar sérfræðinga. Dæmi eru um að börn séu á biðlista sem ekki hafa hafið skólagöngu og eru aðilar sammála um að biðja eftir að skólaganga hefjist áður en áfram er haldið varðandi þjónustu við þann hóp. Deildarstjóri telur að nú sé að nást utan um hópinn og bindur vonir við að biðlistinn styttest þegar líður á veturinn.

Engin viðbrögð hafa borist við auglýsingum eftir sálfræðingum og því hafa verið gerðir samningar við sálfræðinga um verktöku.

Farið yfir mikilvægi þess að starfsmenn skólanna og þá sérstaklega kennarar njóti stuðnings til að mæta áskorunum sem felast í mismunandi þörfum nemenda og skólanna í heild. Starfsmenn skólaþjónustu sitja í nemendaverndarráðum grunnskóla sem og í þeim ráðum sem starfandi eru í leikskólum en stefnt er að því að slík ráð verði starfandi í öllum leikskólum. Stjórnendur hafa kallað eftir sameiginlegu starfi og munu til dæmis leikskólastjórar hittast reglulega eins og verið hefur.

Börn með staðfestar greiningar sem þarf af leiðandi geta sótt um SIS mat eru nokkur og mælir Gunnlaug með að skólaþjónustan sjái um umsóknir fyrir þau börn til Jöfnunarsjóðs. *Stjórn er sammála því verklagi sem hér er kynnt og felur Gunnlaugu að hafa samband við viðkomandi skóla/sveitarstjóra til að kynna þær breytingar sem þetta felur í sér.*

2. Skýrsla deildarstjóra velferðarþjónustu

Unnið er að mótnun verklags með skólaþjónustu til að tryggja samfellu og meðvitund um þau mál sem í gangi eru. Vinnufundur var haldinn í apríl þar sem fjallað var um reglur og stefnur og mikilvægi þess að til dæmis umsóknir og ferlar í kringum þær séu skilvirkar.

Rætt um að allar umsóknir um stuðningsþjónustu berist til velferðarþjónustunnar og fái samræmda umfjöllun þó að til dæmis gjaldskrár geti verið mismunandi eftir sveitarfélögunum. Notendur heimaþjónustu eru 76 og fer fjölgandi.

Starfsdagur var haldinn með starfsmönnum velferðarþjónustu og Ingrid Kuhlmann ráðgjafa og var mikil ánægja með daginn.

Aukinn þungi er að færast í umræðu um dagdvöl fyrir eldra fólk í Uppsveitunum en ekki er ólíklegt að um 11 manns myndi vera í þörf fyrir slíka þjónustu. Starfshópur sem skipaður var síðastliðinn vetur verður starfandi áfram.

Stjórn leggur áherslu á að Öldungaráð uppsveita og Flóa verði kallað saman hið fyrsta.

3. Húsnæðismál

Deildarstjórar fóru yfir kosti og galla varðandi núverandi starfsstöðvar í Laugarási. Að þeirra mati er bagalegt að starfsmenn séu ekki í sama húsi og telja þeir núverandi skipan húsnæðismála ekki vera í samræmi við markmið sem sett voru í upphafi.

Stjórnarmenn sammála um að húsnæðismál verði rædd betur í aðdraganda fjárhagsáætlunargerðar.

4. Starfsmannamál

Auglýst hefur verið eftir sálfræðingi og talmeinafræðingi en engar umsóknir hafa borist.

Áfram verður leitað eftir starfsmönnum í þessar stöður en ef það tekst ekki verður leitað til verktaka.

Stjórn ræddi málefni náms- og starfsráðgjafar en núverandi starfsmaður hefur sagt upp störfum.

Deildarstjórar ræddu mikilvægi þess að ritari sé starfandi við þjónustuna sem gæti til dæmis sinnt símsvörum, skjalavörslu og öðru slíku. Einnig rætt um mögulega ráðningu á atferlisfræðing/ART ráðgjafa sem gæti nýst vel í velferðarþjónustu sem og í ýmis önnur verkefni.

Stjórn vísar ákvörðunum um þessar ráðningar til gerðar fjárhagsáætlunar.

5. Heimasíðan

Rætt um nauðsynlegar breytingar á heimasíðunni til einföldunar og í átt að aukinni skilvirkni.

Stjórn felur formanni að kanna kostnað við nýja heimasíðu.

6. Vinnustofa 2

Rætt um vinnustofu 2 þar sem unnið verði að framtíðarsýn Skóla- og velferðarþjónustu Árnesþings.

Stjórn samþykkir að gefa öllum nefndarmönnum í skólanefndum á svæðinu tækifæri á að mæta sem og þeim sveitarstjórnarfulltrúum sem þess óska.

7. Félagssamningur um Skóla- og velferðarþjónustu

Rætt um nýjan félagasamning Skóla- og velferðarþjónstu Árnesþings.

Stjórn samþykkir að gefa formanni umboð til að klára þær leiðréttingar sem þarf að gera ef einhverjar eru og sjá til þess að málið verði klárað.

Fleira ekki gert og fundi slitið kl. 15:50.